

## SARS E IPILETŠA GO BENGMEŠOMO GO HLOMPHA LETŠATŠI LA MAFELELO

**Tshwane, Mošupologo 29 Matšhe 2021** – Ditirelo tša Motšhelo tša Afrika Borwa (SARS) di tlhohleletša bengmešomo ka moka go obamela boitlamo bja bona bja semolao ka go romela tshedimošo yeo e nepagetšego ka setlha sa go faela sa ngwaga ka ngwaga sa bengmešomo go tloga ka la 1 Aprele go fihla ka la 31 Mei.

Bengmešomo ba kgopelwa go romela Ditaodišo tša Poelanyo ya dipuku tša Mongmošomo (EMP501) go SARS pele ga 31 Mei, gammogo le ditaodišo tša kgwedi ka kgwedi tšeo di šaletšego morago (EMP201) le dipoelanyo tša ngwaga ka ngwaga (EMP501).

Ditefelo tša Lefela ka ge Gola (PAYE) di swanetše go ba di lefetšwe gomme *data* yeo e romelwago go SARS e swanetše go ba e hlwekile gape e nepile. *Data* ya maleba e bohlokwa kudu gore SARS e kgone go tlaletša sa ruri dipušetšo ka ne;o gomme bašomi ba ka kgona go romela dipušetšo tša bona tša motšhelo wa letseno la mong ka tshedimošo ya go nepagala ka setlha sa motšhelo sa go faela sa batho ka noši.

Bengmešomo gape ba kgopelwa go fana ka IRP5/IT3(a) go bašomi ka nako, gore bašomi ba kgone go romela dipušetšo tša motšhelo wa letseno la mong ka nako.

SARS e kgopela gore bengmešomo ba lekole ge eba dintlha tša bona tšeo di lego ka go IRP5/IT3(a) di nepagetše.

*Data* ya leloko la boraro ye bjalo ka dikimi tša thušo ya kalafo le tšona di a hlokagala go romela tshedimošo ya maleba go SARS le bareki ba yona.

Tše ke dinyakwa tše bohlokwa gore SARS e kgone go fana ka ditirelo tša go nolofatšwa gape tša go se sokodiše go balefela motšhelo go ya ka tebo y arena go nolofaletša balefela motšhelo ba rena go obamela boitlamo bja bona.

Bengmešomo, ditsebi tša motšhelo le balaodi ba megolo ba hloka go taonelouta bešene ya moragorago ya Employers e@syfile. Ye ke kanale yeo SARS e e dirišago go dumelela bengmešomo go romela di EMP501 tša elektroniki. SARS e hlohleletša dikgweba tše nnyane go diriša platfomo ye le go šutha go tloga go mokgwatšhomo wa diatla go ya go mokgwatšhomo wa tefelo ya megolo ya go šoma ka go itiriša.

Batho bao ba nyakago mošomo la mathomo ba ka ngwadiša bakeng sa motšhelo wa letseno la mong ka eFiling. Go tšea fela diiri tša ka fase ga tše 24 go amogela SMS ya nomoro e mpsha ya motšhelo ge o dira kgopelo ka eFiling.

Go phema dikotlo le ditswala bengmešomo ba swanetše go romela ditaodišo tša bona tša dipoelanyo tša dipuku tša ngwaga ka ngwaga go SARS pele ga la 31 Mei 2021.

Go hwetša tshedimošo enngwe ka ga Setlha sa go Faela ga Bengmešomo etela wepsaete ya SARS go [www.sars.gov.za](http://www.sars.gov.za).